

别族通城谱

滿公封陈二十五世传至襄公为楚所灭其后遂有陈
氏遏氏辕氏袁氏爰氏庆氏衡氏柳氏针氏逢氏歆氏
弱氏杵臼氏五父氏驸氏恩氏欧氏番氏斗门氏壺邱
氏偃师氏司甄氏仪氏先是滿公传世十五至宣公杀
太子御寇而公子完奔齐齐桓以为工正桓生稚孟夷
夷生闵子庄庄生文子须无次桓子无宇宇生武子开
及厘子乞开生田子常即陈恒也恒生襄子盘盘生和
以其祖子常谥为姓别姓田氏是为田和又六世至建

为楚所灭其后亦有敬氏皮氏车氏恪氏襁氏汲氏稯氏褥氏薛氏法氏王氏文氏荀氏光氏紇于氏尉迟氏司马氏齐宣王封其母弟於母乡亦祖满公之谥而别为胡母氏又有胡非氏威氏慈母氏慈氏凡此皆满公后而别姓者也吾族豫章谱载楚灭陈公子澄落为民籍其后累以仕宦显盖指太尉广壮侯藩诸公也则其来有自矣然齐宣时已有胡龔见孟子书似胡之别姓又不自公子澄始矣前明杨文贞公叙华林谱云春秋有胡子国於汝阴之胡城后亦以国为姓然与陈并书

或自陈而封者欤史记称胡公子完奔齐遂有齐国则敬仲之前已别姓胡欤要之以国为姓以谥为姓以地为姓皆无害於满公之裔也而成祖藩公始居邳州宿迁其后徙豫章华林前谱之传授非漫然也

附录通城分支辨

吾族自满公而后以谥为姓言之详矣其各省别派与吾通分支又有当辨者汉文恭公广举南郡孝谦试章奏第一历仕六帝位至三公史称尤事不理问伯始天下中庸有胡公尚矣其后宁远节度使容州刺史真亦显於梁则世为江陵人而家荆楚者自太尉广始也汉献帝时执金吾班即晋扬武将军辅之高祖也家太山矿居齐鲁者则出公子完特去其覆姓耳汉关内侯质之子威历青州刺史迁安定遂家焉其后晋之左仆射

奋力学有刀笔之声居边有威惠之美后魏封男爵之
叟识姚氏将衰而决去知后魏将兴而先归大武中书
侍郎方回博涉经史改定律制赐爵临泾子此皆安定
人唐金吾大将军钲儒拜振琥节度使亦居河中之河
东故凡在雍州者皆自刺史威始也唐侍御史 公刘
宋壮侯道序之裔也居豫章奉新之华林生子五瑯瑜
琼琫球瑜徙陈留琼徙晋陵琫徙江州球徙分宁唯瑯
生令严令赞严世居故土赞徙西山然犹未出江右焉
迨严公十三世孙仪记来居於通乃吾通胡氏之始祖

则瑯之后又迁矣迁通以来支分七二七三南港梅港
左港大石冲杨家山觜上大坪禾楼黄桂梳脏山东源
洞尖山则自七二而分者也茆荷沙堆则自七三而分
者也九领祖魁公分自清猷岭下祖令赞分自瑯公他
如临湘之野鸭塘潭湾蒲圻之车潭畈江夏之青石桥
平湖门崇阳之印墩桥清水铺杨森畈巴陵之胡家山
又自吾通各支而分有不能缕述者矣

通城譜世原

胡氏系出滿公自滿公后二十五公俱侯爵世次不敢攢叙二十六世至澄字汝清為民籍累以仕宦著澄子貴字德高貴子鱗鱗子渙字可聚渙子宏字志道秦始皇時授秘書郎宏子武臣字希旦二世時與陳勝友相善勝起為大將軍武臣子懷字惟寧懷子安字仁覆安子益字大受益子鑑字秉明漢文帝后元間為主爵都尉以治績聞鑑子源字致远景帝時為密縣令政清民安源子景字朝京漢武帝時為河南尹景子昭字永照

昭子建字则立汉昭帝元凤时为渭城令德化及民立
祠祀之建子涵字象春宣帝时为寂闕都尉涵子文字
经纬文子敏字好学敏于崇字志高崇子惠字以济哀
平时为治粟内史遇莽乱致仕惠子简字尚质简子元
成字功立后汉建武中为右扶风令民甚德之元成子
聪字通明明帝永平中为都尉从耿恭屯田西域聪子
崇禧字德明章帝元和中班超荐为校尉讨平西域封
武成侯崇禧子贤字有德贤子辉字廷光安帝永初中
为交趾都尉招降抚叛边境以宁辉子广字宏道安帝

时为都尉顺帝时五迁尚书仆射历事六帝与陈蕃皆
为台阁旧臣任太傅学士谥文恭狄梁公表其墓广子
伯遂为凤阳令伯始官拜太尉父子同朝当时有天下
中庸有胡公尤事不理问伯始之颂伯始子平字允中
顺帝时为沛邑令平子班字一齐桓帝时为执金吾大
将军班子辛字醯甫辛子贞字正固魏文帝时为淮西
都尉封永宁侯贞子质字文德正元中历仕

以下漏载不敢传会